


§8. მართკუთხა სამკუთხედში კუთხეებს და გვერდებს შორის ტრიგონომეტრიული თანაფარდობები. სინუსების თეორემა. კოსინუსების თეორემა.


1. ტრიგონომეტრიული თანაფარდობები მართკუთხა სამკუთხედის გვერდებს და კუთხეებს შორის. განვიხილოთ მართკუთხა სამკუთხედი (ნახ.1), რომლი ჰიპოტენუზა 1-ის ტოლია, ხოლო ერთ-ერთ მახვილ კუთხეს და მის მოპირდაპირე კათეტს აღვნიშნავთ, შესაბამისად, x° და y .

როცა $0 < x < 90^\circ$, x ყოველ განსხვავებულ მნიშვნელობებს შეესაბამება y განსხვავებული მნიშვნელობები ანუ კუთხის გრადუსულ ზომას და მისი მოპირდაპირე კათეტის სიგრძეს შორის არსებობს ურთიერთცალსახა დამოკიდებულება. ეს დამოკიდებულება მნიშვნელოვან როლს ასრულებს გეომეტრიაში და იგი აღიწერება $y = \sin x^\circ$ ფუნქციით.




ნახ.1.

ასლა ნებისმიერად ავიღოთ მართკუთხა $\triangle ACB$, $\angle C = 90^\circ$ (ნახ.2) და განვიხილოთ მისი მსგავსი სამკუთხედი 1-ის ტოლი ჰიპოტენუზით (ნახ.3). მსგავსების გამო,



ნახ.2.



ნახ.3.

$\sin \angle A = \frac{a}{c},$

ანუ ნებისმიერ მართკუთხა სამკუთხედში მახვილი კუთხის წინამდებარე კათეტის შეფარდება ჰიპოტენუზასთან არის ამ კუთხის სინუსის ტოლი.

ანალოგიური მსჯელობით შეგვიძლია დავრწმუნდეთ, რომ

ნებისმიერ მართკუთხა სამკუთხედში მახვილი კუთხის მიმდებარე კათეტის შეფარდება ჰიპოტენუზასთან არის ამ კუთხის კოსინუსის ტოლი,

$$\cos \angle A = \frac{b}{c}$$

და წინამდებარე კათეტის შეფარდება მიმდებარე კათეტთან ამ კუთხის ტანგენსის ტოლია,

$$\operatorname{tg} \angle A = \frac{a}{b}.$$

მართკუთხა სამკუთხედში კათეტი ტოლია ჰიპოტენუზისა და ამ კათეტის მოპირდაპირე კუთხის სინუსის ნამრავლის; ან ჰიპოტენუზისა და ამ კათეტის მიმდებარე კუთხის კოსინუსის ნამრავლის:


$$a = c \cdot \sin \angle A = c \cdot \cos \angle B.$$

2. სინუსების თეორემა და სამკუთხედის ბისექტრისასთან დაკავშირებული პროპორცია. თეორემა/სინუსების/. სამკუთხედის გვერდები მოპირდაპირე კუთხეების სინუსების პროპორციულია.

დამტკიცება. განვიხილოთ $\triangle ABC$ a , b და c გვერდებით (ნახ.4). B წვეროდან დავუშვათ BD სიმაღლე. ცხადია, რომ $BD = c \cdot \sin \angle A$ (ეს შეფასება არაა დამოკიდებული იმაზე, მახვილია თუ არა $\angle A$). ანალოგიურად, $BD = a \cdot \sin \angle C$. ამგვარად, $a \cdot \sin \angle C = c \cdot \sin \angle A$ ანუ

$$\frac{a}{\sin \angle A} = \frac{c}{\sin \angle C}.$$

თუ განვიხილავთ A-დან ან C-დან დაშვებულ



ნახ.4.

სიმაღლესაც, დავრწმუნდებით, რომ $\frac{a}{\sin \angle A} = \frac{b}{\sin \angle B} = \frac{c}{\sin \angle C}.$


სინუსების თეორემიდან გამომდინარეობს ორი მნიშვნელოვანი ფაქტი:

1) სამკუთხედის ნებისმიერი გვერდის ფარდობა მოპირდაპირე კუთხის სინუსთან შემოხაზული წრეწირის დიამეტრია:

$$\frac{a}{\sin \angle A} = \frac{b}{\sin \angle B} = \frac{c}{\sin \angle C} = 2R;$$

2) ABC სამკუთხედის A კუთხის AD ბისექტრისა ამ კუთხის მოპირდაპირე გვერდს ყოფს კუთხის მიმდებარე გვერდების პროპორციულ მონაკვეთებად:

$$\frac{BD}{CD} = \frac{AB}{AC}.$$



ნახ.5.


სამართლიანია ფორმულია

$$AD^2 = AB \cdot AC - BD \cdot CD.$$

3. კოსინუსების თეორემა და მისი შედეგები.

თეორემა/კოსინუსების/. სამკუთხედის ნებისმიერი გვერდის კვადრეტი უდრის დანარჩენი ორი გვერდის კვადრატების ჯამს გამოკლებული ამ გვერდებისა და მათ შორის მდებარე კუთხის კოსინუსის გაორკეცებული ნამრავლი


$$c^2 = a^2 + b^2 - 2ab \cos \angle C$$



ნახ.6.


როდესაც $\angle C = 90^\circ$, მაშინ ამ თეორემიდან მიიღება პითაგორას თეორემა: $c^2 = a^2 + b^2$, რადგან $\cos 90^\circ = 0$. კოსინუსების თეორემიდან გამომდინარეობს შემდეგი წესი: ნებისმიერ პარალელოგრამში გვერდების კვადრატების ჯამი დიაგონალების კვადრატების ჯამის ტოლია.

$$d_1^2 + d_2^2 = 2(a^2 + b^2)$$



ამ წესიდან გამომდინარეობს სამკუთხედის მედიანის გამოსათვლელი ფორმულა:

$$m_c = \frac{1}{2} \sqrt{2(a^2 + b^2) - c^2}$$



ამოცხსნათ ორი ტიპიური ამოცანა ამ წესის გამოყენებით.

ამოცანა 1. რომბის გვერდია 4 სმ და იგი მცირე დიაგონალის ტოლია. იპოვეთ დიდი დიაგონალი.


ამოცხსნა. ოთხი გვერდის კვადრატების ჯამია $4 \cdot 4^2 = 64$, ხოლო დიაგონალების კვადრატების ჯამი - $4^2 + d^2$

(d უცნობი დიაგონალი), ე.ი. $64 = 16 + d^2$, ანუ $d = 4\sqrt{3}$.

ამოცანა 2. სამკუთხედის გვერდებია 16, 18 და 26. გავიგოთ უდიდეს გვერდზე დაშვებული მედიანა.

ამოცხსნა. A წვეროდან გავავლოთ BC-ს პარალელური წრფე, C-დან - AB-ს პარალელური წრფე. მიღებულ პარალელოგრამში ერთი დიაგონალი $AC = 26$, ხოლო მეორე უცნობი დიაგონალის ნახევარს წარმოადგენს ABC სამკუთხედის მედიანა BD. რადგან $2AB^2 + 2BC^2 = AC^2 + (2BD)^2$, სადაც

$$2 \cdot 256 + 2 \cdot 324 = 676 + 4 \cdot AD^2, AD = 11.$$



ნახ.7.